

Zajednička izjava Grupe frankofonih ambasadora u Bosni i Hercegovini : Most za budućnost

Mi, članovi Grupe frankofonih ambasadora u Bosni i Hercegovini, dolazimo iz svih krajeva svijeta. Dvije stvari nas ipak ujedinjuju : ljubav prema Bosni i Hercegovini i to što svi govorimo francuski. Svi dolazimo iz različitih kultura i maternji jezici su nam različiti. Ali to je manje bitno : svi smo pronašli zajednički jezik.

Pitanje jezika, a posebno načina izražavanja je veoma važan faktor u ovoj lijepoj zemlji. Pronaći zajednički jezik kako bi živjeli skupa od vitalnog je značaja za državu koja želi mirnu i prosperitetnu budućnost. Zbog toga smo odlučili uspostaviti javno priznanje za pojedince ili grupe koje svojim zalaganjem doprinose izgradnji mostova i povezivanju naroda u Bosni i Hercegovini. Ova nova inicijativa za cilj ima poslati u svijet poruku da možemo biti optimisti za budućnost ove države.

Danas imamo čast i zadovoljstvo da ovo priznanje dodijelimo po prvi put. Naš izbor bio je jednoglasan : priznanje se dodjeljuje učenicima dviju srednjih škola u Jajcu – srednje strukovne škole i srednje škole « Nikola Šop », koji čine neformalnu grupu « Bolja škola ». Oni su se borili da ostanu zajedno u razredima. Na taj način pokazali su da žele izgraditi mostove između različitih etničkih grupa za mirnu budućnost. Pokazali su ogromnu moralnu hrabrost. I protiv svih prepreka, insistirali su da svoje obrazovanje nastave zajedno. Ova inkluzivna poruka utoliko je jača što dolazi iz historijskog Jajca.

Učenicima nismo donijeli novčane nagrade, ali im na raspolaganje stavljamo nešto što je dragocjeno : našu pažnju. Slušamo ih i želimo pomoći da svijet čuje njihovu poruku nade. Prema mladima se treba odnositi s poštovanjem i kao prema produktivnim članovima društva. Bitno je njihovo nastojanje da ostanu zajedno shvatiti ozbiljno i ispoštovati ga. Uvjereni smo da poduhvati učenika iz Jajca mogu koristiti za primjer drugim građanima ove države. Od političara i lidera očekujemo da ispune svoju obavezu da mladima ponude kvalitetno obrazovanje. Potrebno im je obrazovanje koje će ih pripremiti za budućnost, a ono podrazumijeva i naučiti ih da žive skupa. Velika je čast ovo posebno priznanje dodijeliti učenicima koji se bore za bolje prilike i perspektive za sadašnju generaciju, ali i koji grade mostove za bolju budućnost Bosne i Hercegovine.

Potpisnici zajedničke izjave su :

apostolski nuncij Luigi Pezzuto;
ambasador Austrije Martin Pammer;
šef diplomatskog ureda Belgije Joris Ronse;
ambasadorica Bugarske Avgustina K. Tzvetkova;
ambasador Lars-Gunnar *Wigemark*, šef Delegacije EU/specijalni predstavnik EU;
otpravnica poslova pri ambasadi Francuske Catherine Veber;
ambasador Grčke Georgios Iliopoulos;
ambasador Holandije Juriaan Kraak;
ambasador Italije Nicola Minasi;
ambasador Japana Kazuya Ogawa;
ambasador Suverenog malteškog vojnog reda Charles-Henry de Rambures;
ambasadorica Njemačke Christiane Hohmann;
ambasador Jonathan Moore, Misija OSCE-a;
ambasadorica Rumunije Dana Constantinescu;
ambasadorica Sjedinjenih američkih država Maureen Cormack;
ambasador Španije Bosco Gimenez Soriano;
ambasadorica Švicarske Andrea Rauber Saxer;
ambasador Drahoslav Stefanek, Vijeće Evrope.